

In Dei nomine Amen. Anno a nativitate Domini M^oCC^oLXXVII^o, inditione V, die VIII augusti. Inquisitio facta per venerabilem patrem dominum Henrichum, miseratione divina Lunensem episcopum, ab antiquioribus et fidedignis super facto ripe et pedagii quod colligi consuevit in portu seu fuce Sancti Mauricii, Amelie et districtus. Invenit quod de ligno salem deferente, de qualibet mina a venditore duos denarios et duos ab emptore et de quolibet centanario salis minas duas. Item de mina frumenti denarii III ab emptore et III a venditore solvantur et mine due frumenti pro centanario et de quolibet alio blado, pro qualibet mina, denarii II ab emptore et duo a venditore solvantur et pro centanario cuiuslibet bladi mine II. Item pro quolibet corpore ligni, si fuerit duorum arborum, denarii XVIII Ianuensium, et si fuerit unius arboris denarii XII et pro quolibet ...denarius denarius: aggiunto in sopralinea. I excepto patrono et famulo ligni et si applicuerit ad ... pro paxone denarii IIII. Item de quolibet pondere casei denarii XVIII Ianuensium pro ripa et curatura et pro quolibet fillo casei denarius I et pro centanario fillorum casei duo filli casei seu pro centum caseis duo casei. Item pro qualibet soma muli, si fuerit pignolatorum, pannorum de lana, coriorum, bumbecii, cere, pannorum subtilium de lino, denarii XVIII Ianuensium. Si vero fuerit lota lana denarii XVIII soma bodronorum sive || plumbi, ferri, açarii, borracii, albaxii seu armorum vel de blancha sive mellis vel hiis similia de qualibet soma denarii XII Ianuensium pro ripa et curatura. Item de quolibet centanario ceparum, aleorum, ollarum, urceorum, muiolorum, parapsidis, incisorum, cocleariorum et aliorum quorumlibet vasorum de lignamine, vitro et terra seu cuiuscumque rei fuerit pro quolibet centanario denarii IIII Ianuensium et IIII or quorumlibet predictorum vasorum et IIII or reste aleorum et ceparum et similium. Item de qualibet mezone carnis salse denarium I ½ Ianuensium et due libre pro centanario et tantumdem de lardo. De soma olei denarii XII Ianuensium et pro centanario librarum olei libre II et qualibet paleta seu panne assungie denarius ½ et pro centanario II palette sive pannes. Item de equo denarii VI et de bove denarii IIII et de asino denarii III et de porco denarii II et de ove denarius I et pro quolibet centanario piastrarum denarii VI et de barcha caricata piastrarum soldi V Ianuensium et eodem modo de ligno caricato lignorum minutorum si fuerit unius arboris soldi V, si II arborum soldi X; et si fuerint ligna grossa et fuerit unius arboris soldi VIII, si duorum arborum soldi XII et de quolibet arbore navis soldi XX et de timone soldi X et de antena soldi X et de arbore taride et galee soldi X, de timone soldi V, de antena soldi V, de quolibet remulo galearum denarii IIII. De arbore minoris ligni soldi II, de antena

denarii XII, de timone denarii XII, de remulo denarii II, de trabe denarii VI, de petio ligni mediocris denarius I, de quolibet alio petio ligni denarius $\frac{1}{2}$, de tabulis minutis de qualibet duodena denarii VI et pro centenario tabularum due tabule. Et hoc idem intelligatur de alio lignamine minuto et grosso. De concio vini denarii IIII et pro centenario concia duo. De aliis non estimatis solvatur secundum iustam estimationem eorum.